

BOLSAS DE CREACIÓN ARTÍSTICA NO ESTRANXEIRO Gas Natural Fenosa 2011

Museo de Arte Contemporáneo
Gas Natural Fenosa

Avenida de Arteixo 171
[A Grela - Bens]
15007 A Coruña

Tel. + 34 981 178 754

www.macuf.es
macuf@gasnaturalfenosa.es

Horario
De 11:00 a 14:00h
De 17:00 a 21:30h

Domingos e festivos
De 11:00 a 14:00 h

Luns pechado

museo de arte
contemporáneo

gasNatural
fenosa

BASES

1. Convócanse tres bolsas de creación artística no estranxeiro, destinadas a artistas plásticos ou visuais nados ou residentes en Galicia, que non teñan cumpridos os 35 anos o 31 de decembro de 2011.
2. As bolsas serán efectivas a partir do 1 de outubro de 2011 e o seu aproveitamento concluirá o 31 de marzo de 2013. É dicir, terán una duración máxima de 18 meses. Os beneficiarios acreditarán un mínimo de 5 meses de residencia no estranxeiro dentro deste período de tempo.
3. Cada unha das bolsas estará dotada con 16.000 €, cantidade suxeita á retención fiscal vixente. Efectuaranse catro entregas, tres durante o aproveitamento da bolsa e unha cuarta, equivalente ó 25% da dotación, á presentación e preceptiva aprobación do memorándum ó que se refire a base 7ª.
4. A contía da bolsa destinarase a sufragar, en todo ou en parte, as viaxes, gastos de estancia no país elixido, matrícula en centros docentes, materiais para a execución de traballos artísticos (non investimento en equipos), traslado da obra realizada, etc. Achegarase ó memorándum ó que se refire a base 7ª documentación xustificativa do gasto de, cando menos, o 70% do importe da bolsa.
5. Gas Natural Fenosa facilitará ó bolseiro un seguro de asistencia en viaxe e estancia, cubrindo a totalidade do período de aproveitamento da bolsa no estranxeiro.
6. Os aspirantes deberán presentar entre os días 1 de maio ó 15 de xunio de 2011, nas dependencias do Museo de Arte Contemporánea Gas Natural Fenosa (Avda. de Arteixo 171, 15007 A Coruña), en horario de apertura ó público (de martes a sábados 11,00 a 14,00 e de 17:00 a 21:30 h. Domingos e festivos de 11:00 a 14:00 h. Luns pechado) a seguinte documentación:
 - a) Datos persoais e currículo profesional, artístico e académico.
 - b) Reprodución en formato dixital (CD ou DVD) de cando menos 10 das súas obras artísticas.
 - c) Memoria detallada do traballo artístico que pretenden realizar, con especificación dos seus fins, medios e prazos de execución e a expresa xustificación de que este traballo teña que se realizar necesariamente fora de España.
 - d) Aceptación por escrito das presentes Bases.Alternativamente, a mencionada documentación poderá ser remitida por correo certificado ou axencia de transportes, ó mesmo enderezo e dentro das mesmas datas e horario. As solicitudes recibidas fora de prazo aceptaranse unicamente cando fosen facturadas dentro do mesmo.
7. Ó remate do período de vixencia da bolsa, o beneficiario presentará un memorándum do traballo realizado, con especificación de conclusións e resultados, que deberá ser aprobado polo Xurado.
8. Gas Natural Fenosa comprométese a organizar unha mostra colectiva da obra dos artistas bolseiros da presente convocatoria, con inclusión das realizadas como resultado do aproveitamento da bolsa, na sala de exposicións temporais do Museo de Arte Contemporánea Gas Natural Fenosa, antes de que remate o ano 2014, así como a editar o correspondente catálogo segundo os criterios do MACUF. O bolseiro achegará todos os medios materiais precisos para a exposición da súa obra, encargándose o MACUF da montaxe e instalación de ditos elementos. Cada bolseiro doará unha das obras expostas, elixida pola Dirección do MACUF, para que pase a formar parte da colección do Museo de Arte Contemporánea Gas Natural Fenosa.
9. O dictame do Xurado, que será inapelable, darase a coñecer públicamente no mes de xullo de 2011, nun acto do que se anunciará oportunamente a data.

A Coruña, marzo de 2011.